

PRIČA O PORODICI BEĆIREVIĆ



“Zahvaljujem se donatorima od neba do zemlje”, počinje svoju priču Amir Bećirević. Njegova brojna porodica itekako ima razloga za osmijehe povodom useljenja u novi stan, u zgradi izgrađenoj u okviru Regionalnog stambenog programa (RSP) u Ustikolini. Amir i Melisa Bećirević imaju četvero djece – Nejru, 4. razred osnovne škole; Mirelu – 2. razred osnovne škole; Minelu – 5.5 godina i Amara – 2 godine. Jedna kćerka je hronični bolesnik, a boluje od dijabetesa. Do useljenja u novi stan živjeli

su u neuslovnom objektu koji im je dodijelila Općina Foča FBiH. Amir nam govori da su svakodnevno imali probleme sa vlagom, te su morali stavljati čilime i kartone po podovima, kako bi spriječili da vlaga naškodi njihovoj malenoj djeci. Vлага nije bila jedini problem u njihovoj kući – plafon je bio u ruševnom stanju i prijetila je opasnost da će se srušiti na ukućane. “Sada se lakše diše”, govori nam Amirova supruga Melisa, koja je već spremila zimnicu u svom novom stanu. U okviru pomoći održivom podratku, od Catholic Relief Service-a (CRS) porodica je podržana sa stipendijom za kćerku u iznosu od 100 KM naredna 24 mjeseca. Vidljivo bolji uslovi za život donijet će novu nadu za bolje sutra ovoj porodici, koja će nakon dugo godina konačno moći da se ugrije ove hladne bosanske zime.



Regionalni stambeni program finansira i podržava međunarodna zajednica



Regionalni stambeni program (RSP) ima za cilj da obezbijedi trajna rješenja za stambeno zbrinjavanje raseljenih lica nastalih nakon sukoba na teritoriji bivše Jugoslavije u periodu od 1991-1995. godine. RSP sprovode Bosna i Hercegovina, Hrvatska, Crna Gora i Srbija, a finansira najvećim dijelom međunarodna donatorska zajednica. Glavni donator je Evropska Unija. Ostali donatori su SAD, Njemačka, Italija, Norveška, Švajcarska, Danska, Turska, Luksemburg, Kipar, Rumunija, Republika Češka, Republika Slovačka i Mađarska.